



Գործ թիվ ԵԴ/10004/02/23

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԵՐԵՎԱՆ ՔԱՂԱՔԻ ԱՌԱՋԻՆ ԱՅՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ**

Ո Ր Ո Շ ՈՒ Մ

**ՀԱՅՑԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ,
ԱՊԱՅՈՒՅՑ ՊԱՀԱՆՋԵԼՈՒ ԵՎ ԵՂՐԱՓԱԿԻՉ
ԴԱՏԱԿԱՆ ԱԿՏԻ ՀՐԱՊԱՐԱԿՄԱՆ ՕՐ ՆՇԱՆԱԿԵԼՈՒ ՄԱՍԻՆ**

12 ապրիլի 2023թ.

ք. Երևան

ՀՀ Երևան քաղաքի առաջին ատյանի ընդհանուր իրավասության դատարանի դատավոր Տ. Գրիգորյանս (այսուհետ նաև՝ Դատարան), ուսումնասիրելով «ՍԻԳՄԱ14» ՍՊԸ-ի հայցադիմումը,

Պ Ա Ր Ջ Ե Ց Ի

Հայցվոր «ՍԻԳՄԱՆ» ՍՊԸ-ի ներկայացուցիչ Ն.Մեհրաբյանը հայցադիմում է ներկայացրել Դատարան ընդդեմ «Երևանի Մխիթար Հերացու անվան բժշկական համալսարան» հիմնադրամի՝ Երևանի Մխիթար Հերացու անվան պետական բժշկական համալսարան հիմնադրամի թիվ ԷԱՃԱՊՁԲ-2023/8-1-ԵՊԲՀ ծածկագրով մրցույթի թիվ 2 և թիվ 3 արձանագրությունների այն կետերը, որոնցով ընկերության հայտը գնահատվել է անբավարար և մերժվել, ինչպես նաև այն կետը, որով չկայացված է ճանաչվել գնման ընթացակարգը անվավեր ճանաչելու պահանջների մասին:

Հայցադիմումը փոտային ծառայությանն է հանձնվել 27.02.2023թ., Դատարանում մուտքագրվել է 21.03.2023թ. և 23.03.2023թ. հանձնվել դատավորի աշխատակազմին:

Դատարանի 27.03.2023թ. որոշմամբ հայցադիմումը վերադարձվել է:

Հայցվոր «ՍԻԳՄԱՆ» ՍՊԸ-ի ներկայացուցիչ Ն.Մեհրաբյանը կրկին հայցադիմում է ներկայացրել Դատարան ընդդեմ «Երևանի Մխիթար Հերացու անվան բժշկական համալսարան» հիմնադրամի, երրորդ անձ՝ «Սոֆթլայն Ինթերնեյշնլ» ՍՊԸ-ի՝ թիվ «ԷԱՃԱՊՁԲ-2023/8-1-ԵՊԲՀ» ծածկագրով էլեկտրոնային աճուրդի գնահատող հանձնաժողովի թիվ 3 արձանագրության 1.1-րդ կետի եզրափակիչ մասնով կայացված որոշումն անվավեր ճանաչելու պահանջի մասին:

Կրկին ներկայացված հայցադիմումը Դատարանում մուտքագրվել է 07.04.2023թ. և 10.04.2023թ. հանձնվել դատավորի աշխատակազմին:



«Քաղաքացիական դատավարության օրենսգրքի 234.5-րդ հոդվածի 2-րդ մասի համաձայն՝ գնումների հետ կապված վեճերը քննվում և լուծվում են հայցադիմումը վարույթ ընդունելուց հետո՝ երեսուն օրվա ընթացքում: Դատարանի պատճառաբանված որոշմամբ սույն մասով նախատեսված ժամկետը կարող է երկարաձգվել մեկ անգամ՝ մինչև տասն օրացուցային օրով:

«Քաղաքացիական դատավարության օրենսգրքի 234.6-րդ հոդվածի 1-ին, 2-րդ, 3-րդ և 5-րդ մասերի համաձայն՝ դատարանը հայցադիմումը վարույթ ընդունելու հարցը լուծում է այն ներկայացվելուց հետո՝ եռօրյա ժամկետում:

Հայցադիմումը վարույթ ընդունելու հետ միաժամանակ դատարանը կայացնում է որոշում՝ պատասխանողից տվյալ գնման գործընթացի հետ կապված պատասխանողի տիրապետման տակ գտնվող բոլոր ապացույցները պահանջելու մասին:

Ապացույցներ պահանջելու վերաբերյալ որոշումը կատարվում է պատասխանողի կողմից որոշումն ստանալուց հետո՝ հնգօրյա ժամկետում:

Սույն մասով նախատեսված ժամկետում պատասխանողի կողմից ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:

Հայցադիմումը վարույթ ընդունելու մասին որոշումն անհապաղ ուղարկվում է «Գնումների մասին» Հայաստանի Հանրապետության օրենքով նախատեսված լիազորված մարմնի պաշտոնական էլեկտրոնային փոստի հասցեին: Լիազորված մարմինը սույն մասով նախատեսված որոշումն անհապաղ հրապարակում է «Գնումների մասին» Հայաստանի Հանրապետության օրենքի 2-րդ հոդվածի 1-ին մասի 14-րդ կետով նախատեսված տեղեկագրում՝ նշելով կասեցման օրը:

«Գնումների մասին» ՀՀ օրենքի 2-րդ հոդվածի 1-ին մասի 13-րդ կետի համաձայն՝ սույն օրենքում օգտագործվում են հետևյալ հիմնական հասկացությունները. լիազորված մարմին՝ պետական ֆինանսների կառավարման բնագավառում Հայաստանի Հանրապետության կառավարության քաղաքականությունը մշակող և իրականացնող՝ Հայաստանի Հանրապետության գործադիր իշխանության պետական մարմին:

Ուսումնասիրելով հայցադիմումը և դրան կից փաստաթղթերը՝ Դատարանը գտնում է, որ հայցադիմումը ներկայացվել է ՀՀ քաղաքացիական դատավարության օրենսգրքի 121-122-րդ հոդվածներով նախատեսված պահանջների պահպանմամբ և առկա չեն հայցադիմումի ընդունումը մերժելու կամ այն վերադարձնելու հիմքեր:

Միևնույն ժամանակ, Դատարանը գտնում է, որ պատասխանող «Երևանի Մխիթար Հերացու անվան բժշկական համալսարան» հիմնադրամից անհրաժեշտ է պահանջել թիվ «ԷԱՃԱՊՁԲ-2023/8-1ԵՊԲՀ» ծածկագրով գնման գործընթացի հետ կապված պատասխանողի տիրապետման տակ գտնվող բոլոր ապացույցները:



Վերոգրյալների հիման վրա և ղեկավարվելով ՀՀ քաղաքացիական դատավարության օրենսգրքի 124-րդ, 125-րդ, 188-րդ, 199-րդ, 200-րդ, 234.5-րդ և 234.6-րդ հոդվածներով՝

Ո Ր Ո Շ Ե Ց Ի

Հայցադիմումն ընդունել վարույթ, այն համարել ներկայացված սկզբնապես ներկայացնելու օրը և եզրափակիչ դատական ակտի հրապարակման օր նշանակել 12.05.2023թ.՝ դատական իշխանության պաշտոնական կայքում:

Պատասանող «Երևանի Մխիթար Հերացու անվան բժշկական համալսարան» հիմնադրամից պահանջել թիվ «ԷԱՃԱՊՁԲ-2023/8-1ԵՊԲՀ» ծածկագրով գնման գործընթացի հետ կապված իր տիրապետման տակ գտնվող բոլոր ապացույցները:

Որոշումը՝ ապացույցներ պահանջելու մասով, ենթակա է կատարման պատասխանողի կողմից այն ստանալուց հետո՝ հնգօրյա ժամկետում:

Որոշումն անհապաղ ուղարկել լիազորված մարմին ՀՀ ֆինանսների նախարարությանը:

Որոշումն օրինական ուժի մեջ է մտնում կայացման պահից և ենթակա չէ բողոքարկման:

ԴԱՏԱՎՈՐ՝



Տ. ԳՐԻԳՈՐՅԱՆ